

Communicaziun a las medias da la SRG.R

Mariano Tschuor vegn clamà en la direcziun generala da la SRG SSR a Berna

Cuira, ils 27-02-2014 – Sin proposta dal directur general Roger de Weck ha il Cussegl d'administraziun da la SRG SSR elegì oz Mariano Tschuor, directur RTR Radiotelevision Svizra Rumantscha, sco manader d'ina nova partiziun da stab cun cumpetenzas schlargiadas. I sa tracta da la partiziun dals martgads (purschida da programs) e da la qualitat. Tschuor suttastat directamain al directur general. El surpiglia la nova incumbensa a Berna l'october 2014.

Sco responsabel per la partiziun, ch'è vegnida structurada da nov e revalitada, è Mariano Tschuor responsabel per il management da qualitat da l'offerta publicistica da la SRG SSR, el responsescha ils programs naziunals e las coproducciuns e coordinescha il dossier promoziun da film.

Mariano Tschuor lavura dapi il 1982 per la SRG SSR. L'emprim sco redactur tar RTR a Cuira, suenter ha el lavorà durant 13 onns en differents funcziuns da program tar la Televisiun svizra a Turtig, l'ultim sco manader da la redacziun per la cultura populara. Dapi il 2009 è Mariano Tschuor directur da RTR e commember dal comité directiv da la SRG SSR.

Vegnind dal program è el adina restà fidaivel ed attaschè a quel. Suenter ses return il 2003 tar RTR ha el accelerà sco schefredactur il project da convergenza. Plinavant ha Mariano Tschuor manà e realisà per la SRG SSR projects naziunals da program; uschia p.ex. EXPO 02, emna d'integraziun e recentamain il mais tematic „Ils Svizzers“. Sco directur ha el renovà e transformà l'offerta da program da RTR sin ils trais vecturs radio, televisiun ed online ed ha preparà quels per il futur digital.

La SRG SSR Svizra Rumantscha engrazia a Mariano Tschuor per la direcziun excellenta ed exemplarica da RTR. La suprastanza da la SRG.R gratulescha a Mariano Tschuor per sia nomina onorifica a Berna e sa legra che ses directur metta a disposiziun sia experientscha professiunala ed umana era en il futur a la SRG SSR. Per la nova incumbensa en la centrala da la SRG SSR giavischa ella bler success.

La piazza da la directura / dal directur RTR vegn scritta ora publicain.

Oscar Knapp, president SRG.R

Dumondas da las medias coordinescha Esther Bigliel, communicaziun d'interpresa RTR (tel. 081 255 75 94 ubain 079 579 89 90).